



Publikashon otorgamentu frekuenshanan-FM radio

Na nòmber di minister di Tráfiko, Transporte i Planifikashon Urbano (lesa: VVRP) pa medio di esaki ta anunisiá e posibilidat pa hasi petishon riba pèrmit di frekuenshanan-FM disponibel pa radio-emisora.

Frekuensha na Kòrsou, meskos ku na tur otro parti di mundu, ta un rekursu skars. Entretantu un par di frekuensha a bin liber riba e banda-FM. Despues di a finalisá e prosedura di selekshon di 2023/2024 a resultá ku ainda tin un par di frekuensha liber. Konsekuentemente a tuma e desishon pa organisá un prosedura di selekshon nobo basá riba un evaluashon komparabel pa por yega na otorgamentu di e pèrmit di e frekuenshanan-FM disponibel. Tambe lo tene un evaluashon di e reglanan atministrativo general, reglanan tékniko, plan di negoshi i e plan di programashon. Di otro banda e prosedura ta para habrí solamente pa interesado ku no ya, sea dirèkt òf indirèkt, ta operá dos of mas empresa di radio-emisora, manera spliká den e kondishonnan por eskrito i e nota abou menshoná.

Na momentu di hasi petishon pa un pèrmit pa un ret di radio-emisora, e solisitante mester entregá informashonnan spesífiko. Den e formulario di petishon destiná pa e fin ei, e informashonnan relevante ta menshoná. Tambe e kondishonnan menshoná den e dokumentu *“Voorwaarden en Toelichting voor de uitgifte van de beschikbare FM-frequenties voor een radio-omroep 2024”* ta aplikabel. Por haña tantu e formulario di petishon komo e kondishonnan por eskrito i e nota riba e wèpsait di Regulatory Authority of Curaçao (www.rac.cw) òf por manda esaki digital riba petishon.

Dia 12 di juli 2024 pa 9 or di mainta tin oportunidat pa hasi eventual pregunta relashoná ku e formulario di petishon na Regulatory Authority of Curaçao. Tambe ta posibel pa atendé o kontestá preguntanan risibí adelantá.

E formulario di petishon, inkluso tur e informashon i datonan nesesario, mester wordu entregá pa mas tardá **2 di augustus 2024 pa 12or** di mèrdia. E mester wòrdu yená i entregá korekto i kompletu riba e adrès di mail: uitgifteFMfrequenties@rac.cw riba un “memory stick (USB)” den un ènvelòp serà na resepsion di Regulatory Authority of Curaçao ku menshon di nòmber di solistante i “FM-frequentie” riba e ènvelòp.

Preguntanan tokante e aspektonan ariba menshoná por wòrdu dirigí na Regulatory Authority of Curaçao via: uitgifteFMfrequenties@rac.cw

Regulatory Authority of Curaçao
C.S. Belfor
Chief Executive Officer